

Anosy : Miha-mafy hatrany ny tolon'ireo mpanabe

2

NY VALOSOA

Gazety miseho intelo isan-kerinandro (Talata - Alakamisy - Jambotsy) **VAOVAO**

Lalan'ny atody

7

Fampanantenana poakaty no nataon-dRajao

www.gvalosoa.com

gvalosoa@yahoo.com

facebook : gazety valosoa rakoto

Alakamisy 12 jolay 2018

Laharana 787

Vidiny : 400 Ar

CUA


2

Ravalomanana mivady

3

Ny marina momba ny tanin'ny CEG Analamahitsy

Niarahaba sy nihoby ny Kardinaly Tsarahazana koa



VAZAHA NIKASA HANDOSITRA ANY ANDAFY 6

Taraiky tsy afa-niala teto Madagasikara



Fitaterana 7

Mitazam-potsiny ny gaboraraky ny taxibe ny ATT

Fiamam-panjakana 2

Mbola misy ireo any amin' ny CT sy CST teo aloha

Fampianarana 5

Rava maina ny "examen blanc" tany Marolambo

Daka kely

Tsy mankaiza nareo mitsamy Ra-force, ny iray Hery vizana, ny iray Andry boboka a!

Mondial 2018 4

Fantaro ireo Afrikana manavotra an'i Frantsa



CUA

Ny marina momba ny tanin'ny CEG Analamahitsy

An'ny Kaominina Antananarivo Renivohitra tokoa teo aloha ny tany misy ny CEG Analamahitsy ami-n'izao fotoana. Namidin'ny tompon'andraikitra tamin'izany fotoana izany tamin'olon-tsotra anefa izany tamin'ny taona 1998 arak'izany misoratra amin-dRazairimanga Marie Meltine ity tany misy ny CEG Analamahitsy ity amin' izao fotoana. Ny Kaominina Antananarivo Renivohitra (CUA) dia mana-mbara fa araka ny fanapahankevitra ny mpanolotsaina ny tanàna mitondra ny laharana 026bis/ 98 tamin'ny 10 jolay 1998 nosoniavin'ny filohan'ny filankevitra ny tanàna tamin'ny fotoan'androny, Lalaina Berthès dia namidy tamin-dRamatoa Razairimanga Marie Meltine ny ampahatany « ANTSONJOMBE COMMUNE » 24124-A ao Antsonjombe Antananarivo mirefy 4217 m2 misy ny CEG Analamahitsy amin'izao fotoana izao. Noho izany dia tany manan-tompo tamin'ny taona 1998 io tany misy ny CEG Analamahitsy io ary ny mpitondra tamin'izany no niva-



Ireo nanao valan-dresaka ho an'ny mpanao gazety teny Analamahitsy.

rotra ny tany tamin-dRamatoa Razairimanga Marie Meltine. Arak' izany dia tsy ny ben'ny tanàna Lalao Ravalomanana velively no nivarotra ny tany fa efa tamin'ny taona 1998 no nisy ny fifampivarotana, izy aza ankehitriny vonona hanome tany vaovao eo akaiky eo ihany maimpoana ny Ministeran'ny Fanabeazampirenena, hanorenana CEG vaovao raha mbola hano ny tetikasa hamin-drana io CEG io ihany ny ministera sy ny mpiaramiombon'antoka aminy, izany dia ho tombontsoan'ny mpianatra sy ny ray aman-dreny hatrany. Ankoatra izany, mikasika io raharaha tany eny amin'ny CEG Analamahitsy eto amin'ny Kaominina Antananarivo Reni-

vohitra ity iha-ny, tsy nivarotra tany ary tsy hivarotra izany mihitsy ny Kaominina. Nisy ny tafa tamin'ny mpanao gazety teny amin'ny CEG Analamahitsy ny talata teo. Nisongadina teny amin'ny CEG Analamahitsy nandritra izao valan-dresaka ho an'ny mpanao gazety nataon'ny avy amin'ny Kaominina Antananarivo Renivohitra izao, nahitana ny talen'ny seraseran'ny Kaominina Dina Ramanarivo, sy ny mpanolotsaina Monisipaly ao amin'ny Boriborintany fa-ha-5, Fetra Razafitsimaliona, ary ny avy amin'ny ministeran'ny Fanabeazampirenena nahitana ny lehiben'ny ZAP ao amin'ny Boriborintany fa-ha-5, Johnson Ranaivo- arisoa, nisongadina ta-min'izany fa ta-

min'olon-tsotra io tany eny Analamahitsy io. Nohamafisin' izy ireo fa olon-tsotra no tompon'ny tany eo amin'ny CEG Analamahitsy io, ilain'ny tompony ankehitriny ny tany. Noho izay antony izay, nangataka tany tamin'ny Kaominina ny Ministeran'ny fanabeazampirenena ka nomena tany lehibe eo akaiky eo ihany, ami-n'izany toerana vaovao izany no hanamboarana CEG vaovao ha-taon'ny ministeran'ny fanabeazampirenena sy ny mpiara-mi-ombon'antoka aminy. Tsy hiala eo amin'ny CEG amin'izao fotoana izao ny mpianatra raha tsy vita ny CEG vaovao. Nohamafisin'ny lehiben'ny ZAP Boriborintany faha-5, Johnson Ranaivo- soa fa tsy nisy ny fivarotana tany, ary tsy hiala ao amin'ny CEG ankehitriny ny mpi-anatra raha tsy vita ny vaovao. Raha ny fanapahan-kevitra farany avy amin'ny ministeran'ny fanabeazampirenena indray anefa dia tsy hanao CEG vaovao indray izy ireo fa hijanona eo amin'ny misy azy hatramin'izay ihany aloha ny CEG Analamahitsy.

Isambilo

Fiaram-panjakana

Mbola misy ireo any amin'ny CT sy CST teo aloha

Fantatra amin'izao fotoana izao momba ireo fiaram-panjakana fa mbola misy izy ireny no any amin'ireo CT sy CST teo aloha tamin'ny andron'ny tetezamita. Araka ny tapaka tamin'ny filankevitra ny ministra anefa

dia atao plaque rouge na takelaby mena vokoa ny nomeraon'ny fiara an'ny fanjakana rehetra. Misy ireo fiara maro Toyota Camry sns... izay tonga teto tamin'ny taona 2009 saika hanatanterahana ny Francophonie sy ny fi-

haonana an-tampon'ny Vondrona Afrikana teto amintsika tamin'ny fotoan-dro izay tsy tantaraka, noho ny zava-nisy teto amin'ny firenena noho ny fanonganampanjakana notarihan'i Andry Rajoelina. Maro

amin'ireny fiara ireny no mbola eny am-pelatanan'ireo CT, CST, Ministra... tamin'ny tetezamita ka tokony halain'ny fitondrana koa hatao takelaby mena koa ny nomeraony.

Ny Valosoa

Sehatry ny angôvon'aratra

Ny ampihimamban'ny fanjakana no tsy mampiparitaka azy

Milaza ny heviny momba ny sehatry ny famokarana angôvon'aratra eto amintsika ny SEFAFI na ny Sehatra Fanaraha-maso ny Fiainam-pirenena. Olona 1,4 lavitrisa eto an-tany no voalaza fa tsy mahazo herinaratra, ka ny 7 amin'ny 10 dia aty Afrika atsimon'i Sahara. Anisan'izany ny 85%-ny Malagasy satria 15 % ny tanan'ny hahazoana herinaratra ankehitriny. 11 % izy io tamin'ny 1998, talohan'ny fanalalana ny sehatra tamin'ny alalan'ny lalàna lah. 98-032 tamin'ny 20 janoary 1999 mikasika ny fanavaozana ny sehatry ny Herinaratra eto Madagasika-kara. Tsy nahazo afa-tsy isa 4 izany isika tao anatin'ny 20 taona. Nahoana no zara raha mandroso toy izany? Ny sehatry ny angôvo amin'ny ankapobeny, ary ny sehatry ny herinaratra manokana, dia sehatra faran'izany tena manan-danja manokana nefa dia tsy mba vahavahana

firy, ary ohatra ny tsy maharototra ny rehetra izay tsy talitra, fotoana fohy iha-ny, raha tsy efa iharan'ny fahatapanan'ny herinaratra na ny fiakaran'ny vidin-tsolika. Ny Malagasy no anisan'ny mitondra faisana indrindra noho ny fahantana amin'ny angôvo, nefa atsy Maorisy sy atsy Seychelles dia efa ho 100 % ny fahazoana herinaratra. Tsy azo lavina fa midadasika ny tany ka manasarotra ny fanafainganana ny fanomezana herinaratra ny fi- renena manontolo, fa misy antony hafa koa izay tena tsy voafehin-tsika. Anisan'izany ny safidy politika. Ny lalàna lah. 2017-020 mikasika ny Fehezan-dalànan'ny Herinaratra eto Madagasika dia navoaka ny 10 aprily 2018 rehefa avy novolaolaina efa ho roa taona. Mba ho fa-mpiharana ny Politika Vaovao'ny Angôvo (NPE) nolaniana tamin'ny 2015 dia narafitra ny Fehezan-dalànan'ny herinaratra izay nokasaina hanafain-

ganana ny hahazoan'ny 70% ny tokantrano malagasy herinaratra mandra-pahatongan'ny taona 2030. Angôvo samy hafa no hafangaro amin'izany ka ny 85% dia ho loharanon'angôvo azo havaozina. Ny voalohany indrindra amin'izany dia ny ny angôvo avy amin'ny rano, satria io no ananana be indrindra eto amintsika, no mety hahazoana 7.800MW, nefa dia 2% -nio fotsiny no voatrandraka ankehitriny. Rehefa dinihina amin'ny saina tsy miangatra io lalàna io dia hita fa raha mitaha amin'ny lalàna lah.98-032 izy dia mitondra fanavaozana amin'ny lafiny maro. Ao aloha ny famaranana ny fampifangaroana ny loharanon'angôvo azo havaozina zina amin'ny angôvo mamokatra hafanana, afa-tsy ny avy amin'ny rano ihany. Ny sorindalana izay natao ho an'ny fifanarahana amin'ny Fitondrana dia nohamavina

taty aoriana, mba hahatonga ny tsena hanintona kokoa ny mpa- mpiasa vola. Noforonina koa ny marika « Mpanome Maitso » mba ha-mporisihana ny mpan- draharaha mpiasa angôvo azo havaozina. Tsy mazava anefa ny toromarka omeny mikasika ny fanentanana amin'ny hetra sy ny ladaony izay mety ho azon'io karazana mpandraharaha io. Ny Fehezan-dalànan'ny herinaratra dia manazava sy mamantina indray ny asan'ny andrim-panjakana samihafa miandraikitra an'io sampana io satria voamarina fa manjavozavo ny momba ny lalàna fototra ary miavangongo loatra ny fahefana eo am-pelatanan'ny fitondrana ka izany no anisan'ny antony lehibe indrindra mampihisatra ny fanomezana herinaratra ny firenena efa am-polo taonany maro izay.

Nangonin'Isambilo

Ny Valosoa sy fakafaka

Filoha Marc Ravalomanana : Iotoina fa vao mainka mamiratra

Efa antomotra ity ny fifidianana filohan'ny Repoblika vaovao hitantana ny firenena indray, ao anatin'izany, mandeha avokoa ny paipaika maloto ataon'ireo tsy maty voalavo ankibo amin'ireo kandida izay heveriny fa matanjaka. Lasibatra amin'izany ny kandidan'ny antoko Tiako i Madagasikara (TIM) ny filoha Marc Ravalomanana, ka ny ben'ny Tanàna Lalao Ravalomanana sy ny mpiara-miasa aminy no fitaovana entin'ireo tsy mataho-tody handotoina an'i Dada. Mandeha efa amin'izao fotoana izao ny resaka fa hoe nivarotra tany eny Analamahitsy misy ny CEG ny ben'ny Tanàna Lalao Ravalomanana, atao laza-masaka amin'ny haino aman-jery sy ny gazety ery io vaovao io tato anatin'ny andro maromaro izay. Amin'izao, tampina ny daomin'ny mpanaratsy fa tamin'ny taona 1998 io tany io dia efa namidin'ny tompon'andraikitra ny CUA tamin'olon-tsotra. Marobe ny fanaratsiana atao amin'ny filoha Marc Ravalomanana, fa ny tsy fantatr'ireo mpanaratsy dia vao mainka mampitombo ny lazan'i Dada izany. Mbola tsy adinon'ny vahoaka manerana an'i Madagasikara ny fampandrosoana nentin'ny fitondrana Ravalomanana tao anatin'ny 7 taona nintanany ny firenena, ka ho sasapaana eo ireo milaza azy ho mahay. Raha tsy nisy ny fanonganam-panjakana tamin'ny taona 2009 nataon'ny fahavalom-pirenena dia efa lasa lavitra i Madagasikara, saingy izay no misy dia very teo indray i Madagasikara efa saika namiratra. Ny marina tsy mba maty ka na ho Iotoina aza ny filoha Marc Ravalomanana dia vao mainka izy hamiratra, volamena nilatsaka ambovoka, tsy hilazoan'ny soa tsy hamiratra.

Helisoa

Anosy

Miha-mafy hatrany ny tolon' ireo mpanabe

Mitohy ary mbola mafy be hatrany ny fitakiana ataon'ny mpampianatra eo amin'ny ministeran'ny fanabeazana ao Anosy. Nanamafy ireto farany fa tsy hiverina hiasa izy ireo raha tsy mivaly ny fangatahana izay notakiana efa ho roa volana mahery izao. Arak'izany, nisy ny tatitry ny fihanon'ireo solontena valo mianadahy tamin'ny Praiminisitra Ntsay Christian, teo amin'ny tokontanin'ny ministeran'ny fanabeazampirenena omaly. Mbola ao anatin'ny fandinihana ireo teboka dimy notakiantika mpampianatra ny Praiminisitra hoy ny mpitondra teny, ka mbola miandry izany isika izao hoy ramose Arsène, mpitarika. Tsy misy miditra an-tsekoly izany isika hoy izy raha tsy voavalay ireo fangatahana napetra-tsika, ny akanga maro tsy vakin'ambova koa hohamafisintsika ny tolonga" hoy izy teo ampamaranana. Araka ny efa nambara teto amin'ny gazety dia rariny ny fitakian'ireo mpampianatra, ka tokony ho tohizany hatramin'ny farany, raha tsy ho azon'izy ireo amin'izao izany fitakiany izany dia mety tsy ho azony intsony.

Helisoa



Ny hetsiky ny mpanabe tetsy amin'ny Tranoboribory Anosy omaly.

Ny Valosoa sy hadihady

Fitondrana Rajaonarimampianina : manomboka manohy manitsaka sy manosihosy indray

Noheverina ho efa manova fomba fisainana sy fiasa ny fitondrana Rajaonarimampianina namomboka hatramin'ny fananganan'ny Praiminzistany Christian Ntsay ny governemantany. Maro no nihevitra fa efa nobeazina ka hahay hifehy amimpahendrena izay mety ho hetsika ny heverina ho mpitandro filaminana. Hevi-diso ihany anefa izany rehetra izany raha nahita ny zava-nitranga teny amin'ny Polytechnique Vontovorona ny 09 Jolay lasa teo dia tsy misy ny fiavana. Ny nitranga hitan'ny besinimaro, mpitandro filaminana nandaroaka baomba lakrimozena mpianatra nanao hetsika fitakiana, mpianatra nodarohana tsy nananana antra toy ireny jiolahy ireny, faritry ny Univerisité nidiran'ny mpitandro filaminana tsy nivaky loha ny "franchise Universitaire", sns... Matoa manao hetsika ny mpianatra dia misy ara-dalàna ny momba azy. Raha ny mpitandro filaminana ve tsy hivakian'ny fitondrana loha na kely aza handritry ny fotoana ela, hanao ahoana ny ho fihetsiny? Ary aoka tokoa ho izany no hitranga raha hampiseho môdely eto amin'ny firenena hilamindamina hiandry am-pahendrena izay mpitondra tonga saina hahatsiaro azy na ho taona rahoviana na rahoviana. Fa ny zavatra nisy aloha tamin'ny andro iny dia natao izay hamoretana ny mpianatra. Ary n'inaona n'inaona hambara, ny mpitandro filaminana sy izay tompon'andraiki-panjakana naniraka sy nanome baiko dia diso ary tsy mety ireny fihetsika ireny. Rehefa miresaka mpianatra dia tsy misaraka amin'ny fanabeazana izany na sehatra aiza na sehatra aiza. Tanora kendraha hoan'ny firenena ireo any aoriana fa tsy hatao ho botom-bahiny na rajakom-bazaha. Asa

aloha na tsy izany intsony no politika ambadiaky ny fitondrana Rajaonarimampianina? Ka tena fitaizana ratsy mihitsy no nasehon'ny fitondrana sy ny mpitandro filaminana amin'izao fotoana izao. Fitaizana ratsy natao hatramin'izay ary mbola tohizana ihany ankehitriny. Tsy an'ny mpanabe na mpampianatra ihany, ankoatra ny ray aman-dreny, no tompon'andraikitra amin'ny fanabeazana ny zaza sy ny tanora eto amin'ny firenena, fa tena tafiditra amin'izany ny tompon'andraiki-panjakana. Raha tsy mahalala izany ireo dia tokony hametra-pialàna dieny izao, fa ho potika tsy ho ela ity firenena ity. Ary izao koa, nahoana raha mpampianatra no mikasi-tanana mpianatra nogadraina sy nofaizina, niaraha-nahita tsara ny nanjo ilay mpampianatra teny Anjanahary, fa raha mpitandro filaminana kosa no nanao ireny herisetra tamin'ny mpianatra ireny dia ahoana? Miala maina amin'izao fotsiny? Ny an'ny mpampianatra, tsy azo lavina fa tsy maintsy misy fanabeazana sy fitaizana ao, fa ny an'ny mpitandro filaminana mba inona no soa azo amin'ireny fandrahana sy daroka mpianatra ireny? Tsy misy, lafy ratsin'izany aza no hitranga satria leson-dratsy ireny, ary maneho ihany koa ny haavo lenta ny toetsain'ny mpitandro filaminana Malagasy amin'ny ankapobeny. Tsy mandefa saina lavitra amin'izany anefa no hita tamin'ny fihetsiky ny fitondrana taorian'ny andro iny, ary izay no ilazana fa manomboka manao ny ataony, manitsaka sy manosihosy indray ny mpianatra, ny vahoaka ity fitondrana mijoro ankehitriny ity.

Sôh'son

RAVALOMANANA MIVADY

Niarahaba sy nihoby ny Kardinaly Tsarahazana koa

Feno dia feno ny fandraharam-potoanan'ny Kardinaly Desiré Tsarahazana raha vao niga-dona teto an-tanindrazana izy , ankoatra ny fandraisana azy teny amin'ny seranam-piaramanid'in'lvato dia nison-gadina tamin'ny andro omaly ny nandraisana ny Kardinaly teny amin'ny Nonce Apostolika Ivandry , marihana fa anisan'ny nanatrika iza-

ny fotoana miavaka izany ny Filoha Marc Ravalomanana mivady ary niarahaba sy nihoby ihany koa ny Kardinaly Desiré Tsarahazana izy ireo, ny tolakandro kosa dia ny Sorona Masina lehibe tetsy amin'ny EKAR Masindahy Francois Xavier Antanimena no nifantohan'ny mason'ny rehetra indrindra ny mpino Katolika . Sorona Masina voalohany nota-

rihany amin'ny maha Kardinaly azy sady nandraisan'ny Arsidiocesezin'Antananarivo ihany koa ny Kardinaly Desiré Tsarahazana . Ankoatra izay dia ny Arsidiosezin'i Toamasina kosa no handray ny Kardinaly amin'ny alahady ho avy izao, izay homarihana amin'ny alalan'ny Sorona Masina lehibe manomboka amin'ny 9 ora maraina , ny Sabotsy mialohan'io ko-

sa dia hisy ny alim-bavaka . Tsara ny manamarika fa mbola ny Kardinaly Desiré Tsarahazana ihany hatramin'izao no Filohan'ny Fivondronamben'ny Eveka eto Madagasikara sady E-vekan'ny Arsidiosezin'i Toamasina , any rahateo no hisy ny toeram-piasany.

Rina Rabemananjara

Fanabeazana politika

Voambolana politika Frantsay-Malagasy

Extrême gauche : Vondrona sy antoko manana firehan-kevitra ankavia mivohy ny firehan-kevitra marxista sy ny kaômnista: maôisma, trôtskisma, castrisma, anarista. Manipaka ny firehan-kevitra ankavanana, ny demôkrasia liberaly ary mitolona ho an'ny fandroanana ny kapitalisma avy amin'ny revôlisiona izay heveriny fa lalan-tokana hiterahan'ny fiarahamonina mirindra tsy misy saranga. Manohitra ny demôkrasia. Ity vondrona ity dia mpomba ny fampiasana ny herisetra sy fampihoro-horoana mandritry ny fihetsiketsehana ataony.

korontanana ao anatin'ny fanjakana iray. **Fanorona :** kilalao antsaina Malagasy. Araka ny lovatsofina dia efa hatramin'ny faha- vazi-mba no nilalaoavana fanorona. **Fascisme :** Fasisma. Firehan-kevitra noforonin'i Benito Mussolini tao Milan tany Italie tamin'ny 1919. Benito Mussolini dia mpitolona tao amin'ny vondrona sôsialista revôlôsionera. Ny firehan-kevitra fasista dia miankina tanteraka amin'ny fahefana feno sy maherin'ny fanjakana. Ao anatin'ny fanjakana ny rehetra, tsy tokony hisy manohitra ny fanjakana, ary tsy misy ivelan'ny fanjakana". Izany fahefana fenon'ny fanjakana izany dia eo ampelatanan'olo-tokana.

Ny fahefan'ny mpanatanteraka sy ny fahafahan'ny antenimiera mpanao lalàna dia samy eo ambanin'ny fifehezan'olo-tokana avokoa. Benito Mussolini no mpitarika ny fasisma tany Italie ary Adolph Hitler no mpitarika tany Alemama, Franco lehiben'ny fasisma tany Espagna.

FBI (Federal Bureau of investigation): Sampan-drafitry ny ministeran'ny fitsarana amerikana izay misahana ny fanaovana fikarohana sy anky momba ny tsy fanarahan-dalàna (ny fanaovana takalon'aina, fitsikolovana) sy ny fiarovana ny faritra sy ny sisin-tany. **Federal (Etat):** Fanjakana federaly. Ny fanjakana federaly dia fan-

jakana manana fiandrianam-pirenena. Fivondronam-panjakana vitsivitsy izay samy manana governemanta sy fahaleovan-tena voafaritra ao anatin'ny lalampanore-nana federaly. Ny fisian'ny fanjakana foibe eo ambonin'ny fanjakana federaly dia tsy azo ihodivirana.

Feodalisme : Feôdalisma, andro fahagola. Ny feodalisma dia rafi-pitondrana pôlitika, aratôkarena sy ara-piara-ha-monina nandritry ny andro fahagola. Ny fahefana manontolo dia teo am-pelatanan'ny aristokrasia tompon-tany izay manao tsindry hazo lena amin'ny vahoaka tantsaha sy ny valala be mandry. *Fetra Ramamonjy*



Mora ny mandrava toy ny nataon-dRajoelina fa sarotra no hanangana



Andriamihaja Kevin: mora ny mandrava!!! mora ny mandoro !!! mora ny manapotika !!! fa sarotra tena sarotra ny manarina !!! 9 taona aty aoriana !!! tratra ny tanjona ho an'i Andry Rajoelina satria dia potika i Madagasikara !!! nahantra ny malagasy !!! potika ny firenena !!! ka hanavotra inona Rajoelina ? elah no nanimba !! elah no mandoro !!! elah no nandrava !! d zao ve elah milaz fa elah ndray no anavotra ? ampy ny fanapotehana sy fahantrana niainan'ny malagasy !!! tadidio fa tsisy afaka hanadino ny fanapotehana nataon'ialah teto ry Boay kely! tadidio fa fianakaviana maro no very asa nohon'ny fanapotehana nataon'ialahy !!! maro no lasa tsy manana fototra ivelomana intsony satria voaroba ny fananany !!! ka tonga anao inona aty ??! mba menatra ry Andry Rajoelina a !!!

Raovy Gasy Ranja : Tana no potika fa TS Mada , NY any @ sisiny TS nosombany , ary ireny manantena azy

Dina Rakotoarisoa: rehefa nopotehan-dRajoelina Tana, dia ny any amin'ny faritra indray no manaraka ho potehany raha sanatriavina ka ho lany eo izy.

Tolotra Ranoelison : ny donto sisa ambakaindry Andry Rajoelina sy ny mpanongam-panjakana toa azy.

Justine Zalema: tsy hitondra développement aminay aty Rajoelina izany, olo hijery concert foana nanatrika ny meeting nataony taminay taty Analanjirofo. Hanantena tsy misy eo Boay kely ty amin'ny election ho avy io.

TONONKALO

NY MIALA AM-BONINAHITRA

Ny miala am-boninahitra moa tena zava-tsarotra No vitsy ireo mpitondra miroso ho amin'izany ? Ny zavatra fahita: mpitondra miady varotra Hitoetra eo mandra-maty , hanohy ny hadalàny.

Ny miala am-boninahitra moa zava-manahirana No vitsy ireo mpitondra miroso ho amin'izany ? Ny fiainam-pirenena tsy misy izay mangirana, Ny ady seza anefa tsy misy fiarafàny !

Ny miala am-boninahitra moa ve faharesena No vitsy ireo mpitondra miroso ho amin'izany ? Tsy aleo ve miala mora dia mba manaja tena ? Tsy maintsy ifandimbiasana ny toerana eto an-tany.

Koa miantso anao mpitondra minia miziriziry, Kanefa efa mikatso ny fiainam-pirenena. Ny miala re no mety fa aoka izay ny kiry, Ny miala am-boninahitra dia tena fahendrena.

SEDERA RAVALISON (07-07-18)

MONDIAL 2018

Fantaro ireo Afrikana manavotra an'i Frantsa

Eo amin'ny Mondial 2018 dia samy mamisavisa izay hantombakana ny ho tompondaka erantany amin'ny baolina kitra andiany amin'ny faha 21 ny rehetra . Maro no miandrindra ny Frantsay saingy boribory ny baolina . Amin'ny Alahady izao ny famaranana ho tanterahana ao amin'ny kianjan'i Loujniki Moscou . Io no lalao famaranana faha 3 izay hatrehan'ny Tricolore Frantsay . Tsihivina fa ny taona 1998 no hantombakana ny amboara erantany izy ireo . Raha toa ka lasan'ny Frantsay ity any Rosia ity dia io no amboara erantany faha 2 lasan'ny Frantsay teo amin'ny tantarany . Na izany aza anefa dia mitondra avo ny voninahitr'i Frantsa ireo mainty hoditra Afrikana ao anatin'ny ekipam-pirenena . Ny fanontaniana mipetraka dia ny hoe : ho tonga amin'izao toerana misy azy izao ve ny ekipam-pirenena Frantsay amin'ny baolina kitra raha toa ka tsy teo ireo mainty hoditra ? Marina fa antsoina hoe Frantsay ireo mainty hoditra resahana ireo saingy Frantsay an-taratasy fa Afrika nina no tena Razambeny . Raha ny tamin'ny ankatoky ny famaranana nifanandrinany tamin'i Belzika ohatra Umtiti izay mainty hoditra no nampiditra ny baolina . Ankoatra izay dia ao koa ry Paul Pogba izay avy any Guinée no tena fiviany , ry Raphael Varane , ry Tolisso , ry Mbappe , ry Sidibe sy ry Kante . Ho an'ny Antoko farany havanana any Frantsa tarihan-dRama-toa Marine Le Pen dia efa nilaza matetika fa tsy tokony hihambo ho mahavita zavatra ny ekipa Frantsay satria tsy tena Frantsay ny ankamaroan'ny mandrafitra ny ekipam-pirenena . Tsy eo amin'ny taranja baolina kitra ihany fa saika amin'ny taranja rehetra dia ahitana mainty hoditra avokoa ny any Frantsa . Samy manana ny heviny ny olona fa ho an'ny sasany kosa dia sahy milaza mahitsy fa mbola taratry ny fanjanahana ataon'i Frantsa ihany ny fisian'ny mainty hoditra any anaty ekipam-pirenena satria ny mpanazatra matetika dia vazaha Frantsay . Raha toa ary ka ho lasan'i Frantsa ity Mondial Rosianina ity dia tsy fandresen'ny Frantsay irery fa fandresen'i Afrika ihany koa, sa ahoana hoy ianao ?



Mbappe



Umtiti



Pogba



Kante

Rina Rabemananjara

Sakafo Ny Valosoa

Henabaolina sinoa indray no laoka amin'ny Sakafo eto amin'ny gazetinao androany. Ny zavatra ilaina amin'izany dia : totokena, lafarinina (mitovy lanja amin'ny totokena), sira, poivre, kotomila, tongolo lay, tongolo be. Ny fikarakarana azy: voasana ny tongolo dia tehina madinika. Alefa ao anaty mixeur ny fangaro rehetra ankoatra ny lafarinina dia potehina (mixer-na). Rehefa izay dia alefa ny lafarinina. Mampangotraka rano, raha tiana asiana sakamalaho mba hahamimanitra azy. Rehefa mangotraka ny rano dia volavolaina amin'ny sotro ilay fangaro mba hahome boribory araka izay refiny miety amin'ny tsirairay. Alatsaka ao anaty rano mangotraka dia avela ho masaka. Mitsingavana izy rehefa masaka. Rehefa vita izay dia izay tiana na hendasina amin'izao na manao saosy voatabia: voatabia, tongolo, persil. Tsara raha asiana ro matsatso anana izay tiana hampiarahana aminy.



NY VALOSOA sy Mahasoa

Fanafody natoralin'ny hemorroïde

Fanafody natoralin'ny hemorroïde indray no Mahasoa eto amin'ny gazetinao androany. Anisan'ny aretina miverimberina amin'olombelona sady mampitondra faisana ny tanora na olondhibe ny hemorroïde : raha tiana tsy hiverimberina intsony izany dia ireto no zavatra ilaina : miisa 5 ny hasin'ny tongolo gasy , maromaro ireo ravina manga efa maina ilaina , maromaro ihany koa ny hodin'ny vatan-kazon'ny manga mbola lena ilaina. Fomba fikarakarana azy : tsy maintsy sasana madio avokoa aloha , rehefa vita izay dia atambatra ao anaty vilany efa madio ireo laro ireo ka tampohina rano 2 litatra ao anaty vilany. Rehefa vita izay dia ampangotrakana eny ambony fatana mandritra ny adin'ny 1 ora. Fomba fampiasana azy : alohan'ny hisakafo maraina: vera 1 , antoandro vera 1 , hariva vera 1 mandritra ny iray volana ny hisotroana azy. Tsara marhina fa atao tambavy ilay rano io , rehefa hita fa ho lary ilay rano dia tampohana indray.

NY VALOSOA sy Mahavariana

Ny tanànan'i Fianarantsoa

Ny tanànan'i Fianarantsoa renivohitry ny faritra Matsiatra Ambony indray no Mahavariana sy Mahaliana eto amin'ny gazetinao androany. Ny nahatonga ny anarana hoe Fianarantsoa araka ny fanatatra dia tamin'ny nanorenana ny tanàna milaza fa: ety no hianarana ny soa avy any avaratra. Ny mpanjaka Ranavalona I no nanangana ny tanàna tamin'ny taona 1831, natao ho renivohitry ny tapany atsimo izy tamin'izany fotoana izany. Ny havoanana'i Kianjasoa no nosafidiana nananganana ny tanàna voalohany, fa ny tanàna vaovao nomena ny anarana Fianarantsoa dia naorina teo amin'ny havoana manakaky an'i Kianjasoa antsoina hoe Ivoenana, izay toerana voaro kokoa. Ny governoran'i Fianarantsoa tamin'ny voalohany dia Rafaralahindraininaly, nitondra azy tamin'ny taona 1831 ka hatramin'ny taona 1842. Azo lazaina ho mizara ho antanan-tohatra 3 ny tanànan'i Fianarantsoa, ny tanàna ambony izay nisy ny tanàna voalohany, misy ireo trano nentim-paharazana sy ireo fiangonana maro; ny tanànan'ireo vonjo fahiny amin'ny havoanana'i Tsianolondroa misy ireo tranom-panjakana maro; ary ny tanàna iva toerana. Eo amin'ny 1200 m eo ny haon'ny tanànan'i Fianarantsoa. Misy renirano 3 mandalo manakaky ny tanàna dia ny reniranon'i Mandranofotsy ao andrefana, Tsiandranitra ao atsinanana . Ireo renirano roa ireo dia mivarina ao Matsiatra any Avaratra. Amin'ny lalampirenena faha-7 ny tanànan'i Fianarantsoa, fihaonan-dalana ny tanàna dia ny mianatsimo sy ny mankany atsimo atsinanana manaraka ny RN 45 sy ny mankany afovoany andrefan'ny faritra Betsileo dia ny RN 42, mankany Ika-lamavony. Misy Bonboritany 7 ny tanànan'i Fianarantsoa, ahitana fokontany miisa 50. Ramatoa Irma Harilalaina no ben'ny tanàna ao ankehitriny. Ny tanànan'i Fianarantsoa dia anisan'ny tanàna iroboroboan'ny varotra eto Madagasikara. Voly vokatra amin'ny manodidina azy ny paraky, ny vary, ny kafe, ny voaloboka fanao divay. Ny voaloboka fanao divay ao Fianarantsoa dia voly avy any Frantsa sy Suisse, izay manome divay mena, fotsy ary mena manopy fotsy na rosés. Any Fianarantsoa no misy ny folben-toeran'ny orinasa Kareny, izay sady anaran'ny fiarakodia vokarin'ny koa, namokatra voalohany tamin'ny taona 1987, nijanona izany avy eo, ary mamokatra fiarakodia indray hatramin'ny taona 2010. Misy seranam-piaramanidina any Fianarantsoa ao Beravina, misy garamasinina ihany koa. Heverina ho anisan'ny faritra be manam-pahaizana eto Madagasikara ihany koa i Fianarantsoa.



DEPIOTE HORACE

Manohy ny asa sosialy ataony ao amin'ny Boriboritany VI

Ny tolonga teo amin'ny 13 Mey no nijanona fa ny tolonga mbola mitohy hoy ny Depute Marie Horace Rasoanoromalala. Ny asa iarahana amin'ny vahoaka sy ny fifandraisana aminy dia isan'andro ka tsy hamaritana fotoana. Fokontany Ampandriambehivavy Boriboritany faha 6, taorian'ny fampaharezana ny fianakaviana namana mpiray fikambanana izay nidom-pahoriana tao, dia niroso nijery ny olana fototra izay tsy maintsy ho vahana momba ilay paompy ao Ampandriambehivavy izay efa nanaovana ezaka niarahana ta-



Ny depiote Horace, mitafa vantana amin'ny mponina ao amin'ny Boriboritany faha-6.

min'ny Depiote Horace manokana sy ireo mponina mampiasa izany. Na dia vita tsara aza ny lalana vokatra ny CLD niadivan'ireo Depiote ny nahazoana azy dia mbo-

la vidina 300Ar ny iray bidon rano alaina amin'ny sarety tanana any amin'ny Fokontany Avaratetazana, ka izay indrindra no hanafanginana ny hamitana ny

paompy mba hahazoana RANO FISOTRO MADIO ny mponina ka tsy rano eo Mamba no sotroina, ny fantsona rahateo efa tonga eo amin'ilay paompy najoro. Tsy adino ny nanafatra ny mponina hikojakoja ny fotodrafit'asa iombonana. Omaly no nanomboka ny fidinana ireo Fokontany ny ASA SOCIALY maimaimpoana hanampiana ireo TANORASY VEHIVAVY ary ny MPIANATRA hanala fanadinana dia mila mivonona hatrany hatrika ny zavatra misy ary efa hanomboka TSY HO ELA.

Isambilo

Fampianarana

Rava maina ny "examen blanc" tany Marolambo

Raikitra ny sakoroka teo anivon'ny mpianatra ny Lycée tao amin'ny Distrikan'i MAROLAMBO fari-tratra Atsinanana ary rava maina ny Examen blanc, na ny fanadinana andrana nataon'ny mpianatra izay hanala CEPE afak'omaly maraina, raha nanao fanomanana ny fanadinana ny mpianatra Lycée, nefa nisy zavatra tsy nahatomom-bana an'izany no nihatra tamin'ireo mpampianatra ireo, ka lasa nitatra anefa izany, ary nanapakevitra nitarika ny grevy ny mpianatra tao amin'io Lycée io, izay nitarika sakoroka. Be ny fahasimbana naterak'izany satria simba ny WC, Bâ-

timent, Bibliothèque, table banc sns.... ny documents rehetra koa tsy nisy azo noraisina, ary niafara tamin'ny fanakorontanana ny mpianatra nanao ny fitsapam-pahaizana hatrika ny fanadinana tsy ho ela io.

Ny Valosoa



Ny fahapotehana tamin'ny sekoly tao Marolambo.

VTTFM sy ny OSCAR

Vonona hijoro hampita ny feon'ny vahoaka hatrany

Misy ny fanmabarana avy amin'ny fikambanana VTTFM sy OSCAR any ivelany momba ny raharaham-pirenena ankehitriny. Noho ny tranga miseho ao an-Tanindrazana ankehitriny hoy izy ireo, izay tena miteraka zava-doza ho an'ny vahoaka Malagasy sy mbola vao malaka hampidi-kizo lalina indray ny Tanindrazantsika, dia manao izao fanambarana izao ny VTTFM sy ny fikambanan'olon-tsotra (OSCAR) izay samy tsy mpanao politika fa TENA VONONA NY HITAKY SY HIARO NY TOMBON-TSOA AMBONIN'NY FIRENENA SY NY VAHOAKA MALAGASY TSY VAKIVOLO. Amafisina sy ampahatsiahy dieny ety amboalohany fa tampimbava tanteraka ny vahoaka Malagasy ankehitriny, voafitak'ireo mpanao politika maloto, voambaka sy voatsentitra hatrany, vaoahosiosy ny zony, atao kilalao hatramin'ny ainy mihintsy aza ... Koa manambatra ny heriny ny fikambanan'olon-tsotra maro manerana ny Nosy haneho ny heviny. Tsidriana etoana fa ny VTTFM (Vondrona Tia Tanindrazana ho an'ny Fanarenana an'i Mad-

gasikara), izay tarihin'i Arlette RAMAROSON, dia nanapa-kevitra ny hitondra izany feon'ny vahoaka Malagasy izany ho re maneran-tany. Vonona ny VTTFM hijoro, ary efa mampiseho amin'ny heriny rehetra fa nitondra sy mitondra ary mbola hitondra sy hampita hatrany ny feon'ny vahoaka Malagasy ho ren-tany sy ho ren-danitra mandra-pahatantearany... TSY HANAM-PETRA KOA IZANY FINIAVANA IZANY NOHO NY HETAHETA HANAVOTRA NY TANINDRAZANA IOMBONANA ALOHAN'NY FAHAVEREZANA TANTERAKA. Koa natao ary ny fanambarana niarahana tamin'ny OSCAR, izay vondron'ny fikambanan'olon-tsotra maro dia maro, tarihin'i Mireille RAKOTO HERY. Maro ny olona "fantatra anarana" no tonga nanotrona sy nanao fanambarana am-pahibemaso, ary isaorana azy ireo izany noho ny finiavany nampiseho firaisan-tsaina sy firaisan-kina, satria dia nanehoana ny fiarahany ny fo mitempo ho an'i Madagasikara tokoa izany. Raha ho fehezina fohiofiohy ny vontoa'izany

fanambarana izay natao izany dia azo tsongaina ao ny: - Fanoherana sy fanakianana marindrano ny fampianarana ny didy navoakan'ny HCC (décision n°18-HCC/D3 du 25 Mai 2018) - Filiterana mivantana ny tsy fahatomomban'io lalana navoakan'ny HCC io - Fanitsakitsahan'ny HCC ny zon'olombelona sy fambolena korontana eo amin'ireo vondrona politika maro - Tsy fanarahan-dalana isan-karazany izay ataon'ny HCC - Tsy nanarahan'ny HCC ny fangatahana "tena marim-pototra" izay nataon'ireo solombavambahoaka maro ho fampitsaharana tsy misy hatak'andro an'Andriamatoa Hery RAJAONARI-MAMPIANINA amin'ny asany amin'ny maha-filoha azy. Izany dia satria tsy natsangany ara-potoana ny HCJ (Haute Cour de Justice) - Fanitsakitsahan'ny HCC ny lalam-panorena Malagasy - Tsy fananan'ny HCC fahefana handrava ny governemanta (raha araka ny lalana velona) - Nampiharany HCC ny "accord politique" izay tena mamoa-fady sy tsy

nangatahin'ny vahoaka sy ireo vondrona politika rahateo... Natao ary ny fampandrenesana ary nalefa ny antso mba hipaka any amin'ireo fikambanana iraisam-pirenena maro samihafa : Secrétariat Général des Nations Unies, Haut Commissariat des Nations Unies, Union Africaine, PNUD, SADC, ary ireo masoivoho vahiny rehetra ao Madagasikara. Ho fehin'ny, ny governemanta tandrametaka sy natsangatsangana fahatany izay misy ankehitriny dia tokony ho ravana tsy misy hatak'andro satria tsy marim-pototra daholo ireo lalana navoakan'ny HCC... satria dia mbola kitranontrano sy fandikan-dalana hatrany no natao... NY FAHAMARINANA MANANDRATRA NY FIRENENA hoy ihany izy ireo. Sady tsy "mangalatra départ" toy ny sasany isika hoy izy no koa tsy mambohy vola tsy fantaphaviana hozarazaraina, fa tena hiady kosa ho an'ny Tanindrazana iombonana sy ny tombon-tsoany.

Ny Valosoa

Vazaha nikasa handositra any andafy Taraiky tsy afa-niala teto Madagasikara

Vita ny nataony nandritra ny telo volana niasany teto, dia saika hipitsipitsika an'ity tovovavy iray ilay vazaha namita iraka.

Nandritra ny diany teto, dia nilaza izy fa hanan-gana orinasa eto. Toy ny olona rehetra rehefa mi-vahiny any an-tanin'olona, dia tsy maintsy tonga ao anatin'ny loha matetika ny hijery vehivavy, mba hiara-hanala fahanginana amin'ny tenany e. I Sabine etsy Talatamaty no niantefan'ny fon'ity vazaha ity, ary io no niaraka taminy nandritra ny telo volana. Efa nitondra vohoka mihitsy ity Sabine ity tamin'ny nanaovan'io vazaha io azy. Ity tera-tany vahiny ity moa, dia nanambara fa haka vady azy. Tsikarit'ity Sabine ity, fa mikasa hody any ivelany ilay vazaha, ka handositra azy. Izay indrindra no nandehanan'ity vehivavy ity teny amin'i Noelah etsy 67ha. Nantsoiny ny 034 61 32862 ary nitomany izy tamin'ny fihetsika ataon'io vazaha io azy.

Tongava aty ianao hoy i Noelah, fa ataontsika amin'ny fanaovana azy io. Nomen'ity Noelah ity ody fitia ilay zazavavy, ka teo no naha-taraiky ity vazaha ity tsy afa-niala teto. Izy indray no nanambara hoe entiko hody any an-dafy ianao ry vady malalako, ary tsy hisaraka aminao mandrakizay aho. Tena lasa vadin'io vazaha io ity zazavavy ity, ary nentina any andafy.

Tera-dahy izy roa, ary tamin'ny herinandro teo no tafaverina eto an-tanindrazana indray miaraka amin'ny zanany. Hividy tany sy hanao trano eto izahay hoy izy ireo. Mbola tany amin'ity Noelah ity ihany izy ireo no nanatsara ny vintana, indrindra fa ny fanalana ny tolaka mety hiseho rehefa hanorina trano ny olona iray.

Raha tsy taty aminao aho hoy ity Sabine ity, dia efa nilazaon'ny rain-janako. Isaorako anao, hoy izy, fa tena tia be any mianaka ilay vazaha. Nilaza i Noelah izay taizan-jazavavindrano, fa ny hery avy ao aminy, dia tsy mandainga, fa tena mandaitra, ary betsaka ny vehivavy naniry hanambady vazaha na mpanan-karena no tafita tamin'izay niriany rehefa nandalo tao aminy. Nanolotra fanomezana ho an'i Noelah ity vehivavy ity, saingy tsy mba nampahafantariny an'ilay vazaha kosa ny fankanesany tany amin'ity mpitsabo malaza mpamaha olana ity.

Ny Valosoa



Tsy tafavoaka an'ivato ilay vazaha.

PRIERE AU SACRE CŒUR. Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen. Dites cette prière 6 fois/jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues. Holitiana B.

Mpiandry raharaha

PHARMACIE DE GARDE

07/07/18 hatramin'ny 14/07/18

- MAHAMASINA, tél. 020 22 545 58 / 020 22 545 59 / 034 07 545 58

- ISORAKA, tél. 020 22 285 04 / 020 22 694 12

- ANDOHATAPENAKA (route MDP), tél. 020 22 670 70 / 034 02 670 70

- AMPANDRANA, tél. 020 22 258 99 / 034 19 341 82

- RABARISOA (Andravohangy près BOA), tél. 020 22 229 86 / 034 07 229 86

LALAN'NY ATODY

Fampanantenana poakaty no nataon-dRajao

Tamin'ny fandalovan'ny Filohampirenena Hery Rajao-narimampianina tany amin'ny faritra Mahitsy distrikan'Ambohidratrimo iny dia nampanantena ny tenany fa hanamboatra ny lalan'ny atody, na ny lalana miainga avy eo Mahitsy, mihazo an'Antanetibe, Mahazaza,...



mihitsy ity lalan'ny atody ity. Lalana ampolony kilometatra eo fotsiny izany lalana izany nefa tena ratsy dia ratsy tokoa, be ny atody potika mandrapahatonga ao Mahitsy misy ny lalam-pirenena faha-4, satria lalana vatovato mikitaontaona be

ny lalana ka mitontona ary vaky ny ankamaroan'ny atody. Noho izany antony izay, miantso ny fitondrana mahefa hanatanteraka ny fampanantenany ny mponina mpiompy any amin'ny distrikan'Ambohidratrimo iny.

Isambilo

Ankavandra Miandrivazo

Mitaraina noho ny faharatsian'ny lalana

Ny vahoaka ao amin'ny Kaominina ambanivohitra Ankavandra distrikan'i Miandrivazo dia miantso vonjy amin'ny fitondrana mahefa, hijery akaiky azy ireo noho ny tsy fisian'ny lalana any amin'izy ireo. Tapaka tanteraka ny lalana ankehitriny ka miverina amin'ny bao sy kofehy ny famatsiana any antoerana. Tsy maintsy dia

an-tongotra no ahafahana miditra na mivoaka ny tanàna, ka miantso vonjy izy ireo arak'izany. Noho izay tsy fisian-dalana izay, miseho lany koa ny tsy fandriampahalemana any amin'ity kaominina ity, anisan'ny faritra mena eto amin-tsika koa izany kaominina iray any amin'ny distrikan'i Miandrivazo izany.

Aly



- HURA (urgences) : 033 11 890 58 / 22 279 79
HOMI Soavinandriana : 22 397 51
Hopitaly Befelatanana : 22 223 84 / 22 6 N72 21
Hopitaly Loterana Ambohibao : 22 441 88 / 22 485 17
Clinique des Soeurs Ankadifotsy : 22 235 54
Ambulances municipales : 22 200 40
Jirama : Telma : (22)3547 (n° vert) / Airtel : 03 35 47 / Orange : 032 32 3547
Pompiers : Tél : 118 / 22 250 18 / 22 225 66
Police : Hôtel Central de Police : 17 / 22 227 35 / 22 357 09

- 1° Arrondissement Tsaralàna : 22 280 54
2° Ambanidia : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimananina : 22 225 52
7° 6° Ha : 22 291 29
8° Analamahitsy : 22 493 25
Brigade criminelle : 22 216 78 / 22 210 29 / 22 674 83 na 84
GIR : 22 227 35

Gazetim-baovao miseho intelo isan-kerinandro Vidiny: 300 Ar Adiresy: lot T 70 Ankadindratombo

TALEN'NY FAMOAHANA : Rahelisoa A. 034 79 07600

MPANAO GAZETY

Politika: Isambilo: 033 24 783 65 Rajo: 033 80 022 53 Andry Tsavalona 032 07 744 55

Toe-karena : Aly : 033 18 382 88

Kolontsaina: Aris: 034 17 460 53 Beharo : 032 02 557 89

Fanatanjahantena: Lita: 033 41 557 89

Fanaparihana: Kalasoa: 033 16 153 91 Solofa : 034 89 907 74

Mailaka: gvalosoa@yahoo.com NATONTAN'NY Imprimerie de la RN7 Fametrahana 787-07-18 Isan'ny natonta: 10 000

Tsy azo adika, na afa-tahaka, na antsaina ampahibemaso raha tsy ahazoana afanana vita soratana avy amin'ny tompony

BEHARO Teny tondro (Ny Valosoa Vaovao)

Word search grid with clues and solutions. Clues include: 'Bika amin' endrika', 'Tsy sahy inisary', 'Ao @ sira', 'Tshj (Miv)', 'Miaro amin'ny sidina', 'Ambarany', 'Mpanandro (Miv)', 'Netaly (Miv)', 'Volana Tamy', 'Zava-pihinana (Miv)', 'Matsanjaka', 'Fiarakodia', 'Asa-tanana', 'Ambara', 'Tsofoka', 'Tao', 'Fy', 'Tsy masaka (Miv)'. Solutions: 'Bika amin' endrika', 'Tsy sahy inisary', 'Ao @ sira', 'Tshj (Miv)', 'Miaro amin'ny sidina', 'Ambarany', 'Mpanandro (Miv)', 'Netaly (Miv)', 'Volana Tamy', 'Zava-pihinana (Miv)', 'Matsanjaka', 'Fiarakodia', 'Asa-tanana', 'Ambara', 'Tsofoka', 'Tao', 'Fy', 'Tsy masaka (Miv)'.

- BL = Bory Loha Misy ny teny Malagasy ofisialy sy ny tenim-paritra
BR = Bory Rambo
MIV = Mivadika
MIK = Mikorontana Ohatra : Valy = Vady

Valiny Teny Tondro (0242)

- Mitsivalana - Tonga - Na - Ao - Dim(y) - Tokana - Ilay - Dio
Mitsangana - Ti - Kiaka - Ravao - Ar - Amy - Tava - Goaika
Mitsivalana - Toy (Miv) - Dada - Ny - Vaky (Miv) - Amboara

Fitaterana

Mitazam-potsiny ny asa gaboraraky ny taxibe ny ATT

Mampiteny ny moana lanteraka ny asa gaboraraky ny mpitalitra taxibe amin'izao fotoana izao. Taorian'ny hetsika fitokanana nataon'ny mpitalitra vao tsy ela izay, dia zary manao ny danin'ny kibony izy ireo. Talohan'izany no efa tsy misy intsony ny fanaraha-maso ny asan'ireo mpitalitra, fa ny polisy sisa no hany mba aroriaka kely amin'ny fomba ratsin'ny mpitalitra kanefa koa izany tsy mandeha ara-potoana sy amin'ny ilana azy ho an'ny mpandeha. Tsy misy kaoperativa izay tsy mampikakaika ny mpandeha amin'izao fotoana izao. Anisan'ny lohany amin'izany, raha tsy hilaza afa-tsy ireo, ny misahana ny zotra 133, ny 143, ny G mampitohy Cnaps Ampefiloha, mandalo Ankadimbahoaka - Anosizato - Beravina Ilaosy na Cité Ilaosy (KOFIMI, KOFITAMA). Ireto farany dia tena manao izay maha dia volana ny fony tanteraka. Ohatra, amin'ny fomba ratsin'izy ireo, izay nitranga tamin'ny Sabotsy 07 Jolay teo teny amin'ny Cité Ilaosy. Taxibe hihainga eo ho any Anosizato sy Ankadimbahoaka ary ho any amin'ny Cnaps Ampefiloha. Nomeno ny taxibe Sprinter iray amin'ilay lavabe irony. Ela vao feno mazava loatra ilay fiara noho ny halavany. Efa niandry ela ny mpandeha tonga aloha tao anatin'ny, ary maika hamonjy fotoana avokoa ny maro. Nony feno tanteraka anefa ilay fiara ary tokony hanainga amin'izany no nilaza ny resevera fa tsy mandeha indray ilay izy fa mifindra amin'ny taxibe iray hafa. Amin'io indray mbola fohy noho ilay izy no nasaina nidirana manaraka. Hatezerana tsy nisy toy izany ny an'ireo mpandeha rehetra, indrindra rehefa nisy nandre ka fantatra fa nisy niantso ilay mpamily an-teléfonina fa misy "spécial" any ary mety tsaratsara ny vola amin'izany. Hatezerana kanefa inona no azony atao eo, ny kaoperativa iasany toy ny tsy misy ary efa mamela ny mpitalitra ao amin'ny hanao asa gaboraraky toy izany. Ny ATT izay antokon-draharaha misahana ny fitaterana an-tanany miaraka amin'ny ministara rahateo dia efa tsy manao ny asany amin'ny tokony ho izy intsony amin'ny fanaraha-maso nandri-try ny laona ela izay. Dia ny mpandeha, ny vahoaka haltrany no lasibatra sy vao mafy, mijaly amin'ity reska fitateram-bahoaka ity.

Radafy

TENY MIFANAPAKA N° 243

10x10 grid for word search with letters A-K and numbers 1-10. Some cells are shaded black.

- Mitsivalana 1. Ilazana ny Mpanao, Atao, Iharana 2. Foto-tenin'ny filanona - Lavaka (Miv) 3. Anabavin-drany 4. Eo amin'ny vatana (Miv) - Bibikely (Miv) 5. Kapoka - Toetra ratsy 6. Manapaka volo 7. Aleha 8. Miteraka hidihidy (Miv) - Tsy azo atao 9. Adim-pamataranandro - Vatana (Miv) 10. Matsanjaka - Mamoron-dainga
Mitsangana A. Sahabo B. Maharitra (Miv) - Eny D. Anisan'ny asa soratra E. Toetra, petra - Repoblika F. Atsahatra - Mitambatra G. Halana H. Iry, ila - Vola aloa vidiny (Miv) I. Analanelan'ny hehy - Tsy lavitra (Miv) - Vizana J. Kianteny - Mangaihay (Miv) K. Mpisolo tena - Heloka (Miv)

Valiny Teny mifanaraka 0242

- Mitsivalana 1. Rehareha 2. An - Lazao 3. Zarahary 4. Aina - Sy 5. Natahotra 6. Rao (Miv) - Rova 7. (L)janga - Om 8. Fay - Eny 9. Omby - Ditra (Miv) 10. Tiana - Ao
Mitsangana A. Razanay - To (Miv) B. Aiso - Amy D. Hanitra - Ba E. Anara - Nify (Miv) F. Hahena 6. Ela - Gia H. Haratra - Ra I. Azy - Ra - Eto J. Savony K. Tody - Amidy

An-tsary misongadina Ny Valosoa Vaovao

Njaka sy Hellisoa

Ny Filoha Marc Ravalomanana mivady niarahaba ny kardinaly vaovao teny Ivandry omaly.



Ny tolon'ireo mpanabe teny Anosy omaly.

